

26. Juill. 1634. 5

no. 5

# ARREST DV CONSEIL

D'ESTAT, PAR LEQUEL  
il est ordonné que les Ecclesiastiques  
jouyront de l'exemption des tailles,  
comme ils faisoient auparavant l'Edict,  
du 18. Ianuier dernier, & que ceux qui  
ont esté compris dans les roolles en se-  
ront rayez. Avec deffenses de lesy im-  
poser à l'aueuir, sur peine de tous des-  
pens, dommages & interests.



A P A R I S,  
Chez ANTOINE VITRAY, Imprimeur  
ordinaire du Roy es langues Orientales.

*Auec permission.* 1634.

8 a. j<sup>e</sup> Sar 3 {  
n. 7

PAID

REVISED TABLE

... ..

8507 1965-1966

THE UNIVERSITY OF CHICAGO

1870

1911-12-11

2024

7. 11. 1941

18



# ARREST DV CONSEIL

d'Estat, par lequel il est ordonné que les Ecclesiastiques jouiront de l'exemption des tailles, comme ils faisoient auparavant l'Edict du 18. Ianuier dernier, & que ceux qui ont esté compris dans les roolles en seront rayez. Avec deffenses de les y imposer à l'auenir, sur peine de tous despens, dommages & interests.



VR les remonstrances faites au Roy, estant en son Conseil, par les Agens Generaux du Clergé de France, que la pieté de sa Majesté les ayant non seulement conseruez dans



les priuileges que les Roys ses  
predecesseurs leur ont conce-  
dez : mais encores estendus,  
autant que l'honneur de Dieu,  
& le respect de la religion luy  
ont commis ; Ils n'auroient  
pas estimé, que souz pretexte  
d'un reglement, que sa Ma-  
jesté auroit voulu estre d'o-  
resnauant obserué pour le fait  
de ses tailles, on eust voulu  
comprendre les Ecclesiasti-  
ques dans les roolles & depar-  
temens des tailles, comme  
contribuables, au preiudice,  
& contre la force des tiltres &  
concessions qui leur en ont  
iusques à present donné l'e-  
xemption. Que neantmoins à

l'occasion de ce que sa Majesté, par le trente-deuxiesme article de l'Edict du mois de Ianuier dernier, portant reglement desdites tailles, auroit attribué toute iurisdiction aux Esleuz de ce Royume, des differents qui pourroient suruenir pour raison des taxes qui seroient faites sur lesdits Ecclesiastiques, pour les cas contenus audit article, l'interdisant à tous ses autres Iuges, nonobstant tous priuileges & affranchissemens, & arrests confirmatifs d'iceux: Aucuns d'eux ont esté taxez & compris aux roolles & departemēs desdites tailles, comme les moins

contribuables , au mespris de leur dignité , & aneâtissement des priuileges & concessions qui leur ont esté si solennellement donnez , & religieusement conseruez iusques à present. Requerant qu'il pleust à sa Majesté, sans s'arrester audit trente-deuxiesme article dudit Edict, Ordonner que lesdits Ecclesiastiques iouyront à l'auenir des priuileges & exemptions des tailles , tout ainsi qu'ils en ont iouy auparauant ledit Edict , & qu'ou aucuns d'eux auroient esté compris aux roolles, & departemens des tailles qu'ils en feront ostez. Avec deffences aux

Collecteurs des paroisses de  
faire contr'eux aucunes pour-  
suittes pour raison de ce , à  
peine de nullité, despens, dom-  
mages & interests. Et à tous  
Iuges d'en prendre cognois-  
sance sur les mesmes peines.  
L E R O Y estant en son  
Conseil , voulant que lesdits  
Ecclesiastiques ressentent les  
effects de sa bonne justice , en  
les conseruant aux priuileges  
& affranchissemens de tailles  
qui leur ont esté concedez , &  
de sa pieté & bonté, en faisant  
cesser les occasions qui en  
pourroïent interuertir la iouys-  
sance, sans s'arrester audit tren-  
te-deuxiesme article dudit



Edict qu'elle a reuocé, & reuocé pour ce regard. A ordonné & ordonne que les Ecclesiastiques de ce Royaume jouyront à l'auenir, comme ils ont fait auparauant ledit Edict, des mesmes exemptions de tailles qui leur ont esté accordées par les Roys predecesseurs de sa Majesté, & par sadite Majesté; & que ceux desdits Ecclesiastiques qui se trouueront auoir esté compris dans les roolles & departemens des tailles, en seront rayez & biffez, sans qu'il leur puisse estre demandé aucune chose. Ce que sa Majesté deffend tout expressement  
aux



aux Collecteurs des paroisses,  
 Receueurs des tailles, ou au-  
 tres ; à peine de tous despens,  
 dommages & interets. Et à  
 tous Iuges de faire aucune re-  
 cherche contre lesdits Eccle-  
 siastiques pour raison desdites  
 tailles, en prendre cognois-  
 sance directement ou indire-  
 ctement, aux mesmes peines,  
 & de nullité de procedures.  
 Fait au Conseil du Roy, sa  
 Majesté y estant, tenu à Chan-  
 tilly, le vingt-sixiesme Juillet,  
 mil six cens trente-quatre.  
 Ainsi signé

BOVTHILLIER.

---

**L** O V I S par la grace de  
Dieu Roy de France &  
de Nauarre , A nos amez &  
seaulx Conseillers, les Tres-  
oriers generaux de France en la  
generalité de  
Presidens, Lieutenans, & Es-  
leuz de l'estenduë d'icelle ge-  
neralité. La pieté & affection  
que nous auons à la gloire &  
au seruice de Dieu, nous con-  
uie à traicter ceux de nos sub-  
iects, qui y sont particuliere-  
ment dediez, le plus fauorable-  
ment qu'il nous est possi-  
ble; ce que nous voulons fai-  
re sur le sujet & execution de

nostre Edict du mois de Ian-  
uier dernier , les conseruans  
dans les priuileges & exem-  
ptions qui leur ont esté con-  
cedees par les Roys nos pre-  
decesseurs. A ceste cause,  
Nous auons ce iourd'huy,  
estant en nostre Conseil, don-  
né l'arrest cy-attaché souz le  
contrescel de nostre Chancel-  
lerie , par lequel , sans nous ar-  
rester au trente-deuxiesme ar-  
ticle de nostredit Edict , nous  
auons maintenu les Ecclesia-  
stiques de ce Royaume és pri-  
uileges & exemptions dont  
ils ont iouy auparauant ledit  
Edict : ainsi qu'il est plus au  
long porté par nostredit ar-



rest, lequel voulant estre obserué selon sa forme & teneur, Nous vous mandons & ordonnons que vous ayez chacun endroit soy, à le faire lire, publier & registrer au Bureau de la generalité des Elections de l'estenduë d'icelle, où vous dits Tresoriers de France l'en-uoyerez à cet effect, tenant la main soigneusement à l'exacte obseruation & execution d'iceluy; Car tel est nostre plaisir. Donné à Chantilly, le vingt-sixiesme iour de Iuillet l'an de grace mil six cens trente quatre, & de nostre regne le vingt-cinquiesme.

Signé,                      L O V I S.

Et plus bas, par le Roy,

THVILLIER.

Seellé & contre-seellé de  
cire jaune.

*Collation faite des presentes copies  
aux Originaux en parchemin, atta-  
chez ensemble souz contre-seel, signez  
& seellez, comme dessus est dit: &  
iceux rendus par nous Notaires  
Royaux, & garde-nottes hereditaires  
à Noyon souz-signez, le dernier iour  
de Iuillet, mil six cens trente-quatre.*

LEMANNIER.

SIMON.

**I**L est permis à ANTOINE VITRAE  
Imprimeur ordinaire du Roy es  
Langues Orientales, d'imprimer l'*Ar-  
rest du Conseil d'Estat, par lequel il est  
ordonné que les Ecclesiastiques jouiront  
de l'exemption des tailles, comme ils fai-  
soient auparavant l'Edit du 18. Ianuier  
dernier, qui luy a esté mis es mains par  
les Agens Generaux du Clergé de  
France. Avec deffenses à tous autres  
de les imprimer ny vendre, sur peine  
de prison, & de cinq cens liures d'a-  
mende. Fait à Paris le neufiesme iour  
d'Aoust 1634.*